



DREJTORIA JURIDIKE

RELACION

PËR VERIFIKIMIN E DEKLARIMEVE NË FORMULARIN E VETËDEKLARIMIT TË FUNKSIONARIT PUBLIKË DEPUTET I KUVENDIT TË SHIPËRISË Z. AQIF RAKIPI, NË ZBATIM TË LIGJIT NR. 138/2015 'PËR GARANTIMIN E INTEGRITETIT TË PERSONAVE QË ZGJIDHEN, EMËROHEN OSE USHTROJNË FUNKSIONE PUBLIKE.

Në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", KQZ është organi kompetent për administrimin, verifikimin, zbatimin e ndalimeve për zgjedhjen dhe emërimin për funksionet publike si dhe përpunimin për formularin e vetëdeklarimit për subjekte si më poshtë:

- Deputetë të Kuvendit të Shqipërisë;
- Kryeministrit apo anëtarit të Këshillit të Ministrave që nuk është deputet;
- Kryetarit të bashkisë apo këshilltarit në këshillin bashkiak.
- Kandidatët e listëve shumëëmërore për deputet dhe për këshillat bashkiak

Z. Aqif Kahraman Rakipi, aktualisht me funksionin deputet i Kuvendit të Shqipërisë, më datë 24.04.2017, referuar ligjit nr.138/2015 "Për garantimin e integritetit të personave që zgjidhen, emërohen ose ushtrojnë funksione publike", së bashku me dokumentacionin e kandidimit ka depozituar në KQZ dhe Formularin e Vetëdeklarimit.

Nga verifikimi i të dhënave në Formularin e vetëdeklarimit të z. Aqif Rakipi, rezulton se nuk ka deklaruar asnjë të dhënë në lidhje me dënim me vendim të formës së prerë nga autoritete gjyqësore shqiptare apo të huaja, dënime me vendime jo përfundimtare nga autoritete gjyqësore shqiptare apo të huaja, masa sigurimi personal, urdhër ndalimi ndërkombëtar, ndalime nga organet ligjzbatuese, dëbime apo hetime brenda dhe jashtë territorit të Republikës së Shqipërisë. Në formular ka deklaruar vetëm ndryshime në atësi dhe amësi.

Në zbatim të ligjit nr.138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe Kreut V, pika 2, germa b dhe pikës 3, germa c, të vendimit të Kuvendit nr.17/2016 "Për përcaktimin e rregullave të detajuara mbi zbatimin e ndalimeve të parashikuara në ligjin nr.138/2015", KQZ me shkresat nr. 2433 dt. 30.04.2017 ka kërkuar informacion nga zyra e gjendjes gjyqësore dhe me shkresën nr. 2448 dt. 01.05.2017 ka kërkuar informacion nga zyra e gjendjes civile.

Në përgjigje të shkresës nr.2433, dt.30.04.2017 nga ana e zyrës së gjendjes gjyqësore është dërguar verifikim i gjendjes gjyqësore për të gjithë funksionarët publikë që kemi kërkuar, nga ku



rezulton se subjekti vetëdekarues z. Aqif Rakipi është i padënuar. Përgjigja nga Zyra e Gjendjes Civile për këtë funksionar publik nuk ka ardhur akoma në KQZ.

Duke qene se z. Aqif Rakipi ka qenë deputet dhe në legjislaturën e kaluar të Kuvendit (viti 2009-2013), KQZ në zbatim të dispozitave të ligjit 138/2015 "Për garantimin e integritetit të personave që zgjidhen, emërohen ose ushtrojnë funksione publike" ka bërë verifikimin e të dhënave në formularin e vetëdeklarimit për këtë funksionar publikë.

Referuar shkresës nr.2452/24 Prot, datë 29.07.2016 të Drejtorisë së Përgjithshme të Gjendjes Civile, Aqif Rakipi me cilësin e deputetit ka ndryshime në emër. Sipas aktit të lindjes emri ka qene "Haqif".

Prokuroria e Përgjithshme me shkresat nr. 457, datë 09.02.2017 dhe me shkresën nr. 2561/2, datë 04.10.2017, i ka kërkuar KQZ-së verifikimin e të dhënave të deklaruara në formularin e vetëdeklarimit për z. Aqif Rakipi.

Pas verifikimit të formularit në përputhje me nenin 15, pika 1 të ligjit 138/2015 dhe Kreu VI, pika 6 Kreu V, pika 3, germa b e Vendimit të Kuvendit 17/2016, KQZ me shkresën nr. 1025/1 datë 14.02.2017 dhe nr. 5641/1 datë 06.10.2017 në të dy rastet vendosi t'ia kaloj rastin për kontroll të thelluar Prokurorisë së Përgjithshme.

Më shkresën nr.457/3, datë 26.12.2017, Drejtoria e Marrëdhënieve Juridiksionale me Jashtë, Sektori i Verifikimit të Integritetit, ka dërguar në KQZ, vendimin e rezultatit të verifikimit për z. Aqif Rakipi, me detyrë Deputet i Kuvendit të Shqipërisë.

Nga "Sektori i Verifikimit të Integritetit të personave që zgjidhen, emërohen ose ushtrojnë funksione publike", me shkresën nr. 454/2 prot., datë 17.02.2017, i është kërkuar informacion për gjëndjen gjyqësore Drejtorisë së Përgjithshme të Burgjeve, kurse me shkresën nr.454/3 datë 17.02.2017, i është kërkuar informacion Drejtorisë së Përgjithshme të Gjendjes Civile. Nga përgjigjet e ardhura dhe verifikimet e kryera rezulton se subjekti z. Aqif Rakipi nuk është dënuar me vendim penal të formës së prerë nga autoritetet gjyqësore shqiptare, pra subjekti rezulton "I Padënuar". Drejtoria e Përgjithshme e Gjendjes Civile me shkresën nr. 1417/1 datë 24.02.2017 ka vënë në dispozicion të dhënat personale të subjektit, nga të cilat rezulton se z. Aqif Rakipi ka të njëjtat gjenealitete të cilat i ka deklaruar në formularin e vetëdeklarimit.

Me shkresën nr.1284/2, prot datë 27.12.2016 i është kërkuar informacion Zyrës Ndërlidhëse të Policisë së Italiane, e cila ka kthyer përgjigje se nga kontrolli në databazën e të dhënave nuk rezulton qe ky subjekt të jetë me preçedentë penalë/politorë.

Me shkresën nr.1283/1 prot. Datë 27.12.2016 i është kërkuar informacion Zyrës Qëndrore Kombëtare Interpol Tirana, e cila me shkresën nr.9310/1 prot datë 30.12.2016 ka kthyer përgjigje se nga kontrolli në databazën e të dhënave nuk rezulton qe ky subjekt të ketë qenë në kërkim ndërkombëtar për kryerjen e ndonjë vepre penale.



Me shkresën nr.1283, prot datë 27.12.2016 i është kërkuar informacion Zyrës Kombëtare Europol, e cila me shkresën nr.89 K prot datë 17.01.2017 ka informuar Prokurorinë se në sistemin SIENA nuk rezulton qe subjekti të jetë në kërkim për kryerjen e një vepre penale.

Për një verifikimi sa më të plotë dhe të saktë për shkak të mundësisë së mbajtjes së gjenealiteteve të ndryshme nga ato të deklaruara, në zbatim të nenit 8, pika 6, 8 të ligjit 138/2015, Prokuroria e Përgjithshme i ka kërkuar subjektit të depozitohet gjurmët daktiloskopike pranë Drejtorisë së Policisë Shkencore dhe kjo e fundit nëpërmjet shkresave nr.977/1 datë 21.02.2017 dhe nr.1022/1 prot datë 27.02.2017 ka vënë në dispozicion gjurmët daktiloskopike të shtetasit Aqif Rakipi.

Paralelisht kompania ALEAT sh.a pas kërkjesës nr.455/3 datë 20.02.2017 të Sektorit të Verifikimit të Integritetit ka vënë në dispozicion të dhënat daktiloskopike që ndodhen në sistemin e kësaj kompanie.

Me shkresat nr.158 prot datë 10.02.2017, 158/3 prot datë 02.03.2017, 1284/8 prot datë 22.02.2017 Sektori i Prokurorisë i është drejtuar me kërkesa Drejtorisë së Policisë së Shtetit, Zyrës Qendrore Kombëtare Interpol.

Kjo e fundit me shkresat nr.2001/12 prot datë 23.03.2017, nr.2001/13 prot datë 23.03.2017, nr.2001/KL/26 datë 17.10.2017, nr.2001/34 prot datë 09.11.2017, nr.2001/38 prot datë 07.12.2017 ka kthyer përgjigje se subjekti apo gjurmët daktiloskopike të tij nuk ndodhen të rregjistruara në databazat kriminale të disa shteteve pjesë e Interpolit.

Me shkresën nr.2001/40/KL prot datë 22.12.2017, Zyra Qendrore Kombëtare Interpol ka informuar Prokurorinë se nga Interpol/Romë/Itali pas krahasimit të gjurmëve të gishtave ka rezultuar se:

"Aqif Rakipi është raportuar me datë 03.11.1998, për veprën penale të marrjes së mallrave të vjedhur me gjenealitetet SKËNDER EJYLBEGAJ, lindur më 24.03.1962, rregjistruar më 08.10.1996 me gjenealitetet Aqif Rakipi, lindur më 01.04.1964."

Subjekti rezulton se nuk ka deklaruar këtë informacion edhe pse ka pasur detyrimin ligjor për ta pasqyruar në formularin e vetëdeklarimit e konkretisht, në pyetjet 3 "A keni qenë ndonjëherë në hetim apo në gjykim nga një autoritet i huaj për kryerjen e një vepre penale?" dhe 4 të formularit, "A keni qenë ndonjëherë i ndaluar apo arrestuar nga organet ligjzbatuese për kryerjen e një vepre penale". Ai i është përgjigjur me "Jo", të dyja pyetjeve më sipër.

Në kreun III, pika 3, gërma ç) të Vendimit të Kuvendit nr. 17/2016, thuhet se formulari (që plotësohet dhe firmoset nga subjektet vetëdeklaruese) përmban një rubrikë ku detyrimisht pasqyrohet se "...pasqyrimi i të dhënave të pavërteta, të paplota dhe të pasakta në të, passjell përjashtimin e menjëhershëm dhe në çdo kohë nga kandidimi/zgjedhja/emërimi apo nga funksioni publik".

Duke nënshkruar në faqen e dytë të formularit II "Marrja dijeni mbi efektet e formularit dhe të vetëdeklarimit", pika d) " Pasqyrimi i të dhënave të pavërteta, të paplota dhe të pasakta në këtë Formular dhe refuzimi i depozitimit të gjurmëve daktiloskopike, passjell skualifikimin e menjëhershëm dhe në çdo kohë nga kandidimi/zgjedhja/emërimi apo nga funksioni publik", subjekti



mban përgjegjësinë e plotë dhe është i vetëdijshëm për pasojat ligjore në rast të deklarimeve të pavërteta, të paplota apo të pasakta, në lidhje me të kaluarën e tij kriminale.

Fakti që në formular nuk është pasqyruar asnjë e dhënë e përcjellë në lidhje me ndalimet dhe hetimet përkatëse në shtetin Italian, si dhe me identitetin e rremë të përdoruar nga vetë ai, me të cilin është dyshuar se ka konsumuar veprën penale të marrjes së mallrave të vjedhur, bën që subjekti të përfshihet në kushtet e ndalimit të ushtrimit të funksionit publik si deputet i Kuvendit të Shqipërisë. Kjo passjell përjashtimin e menjëhershëm dhe në çdo kohë nga funksioni publik që mban.

KQZ pas shqyrtimit të rezultateve të verifikimit nga Prokuroria e Përgjithshme vlerëson se për sa i përket procedurave të ndjekura për rezultatet e verifikimit në lidhje me të dhënat në formularin e deklarimit, referuar pikës 1 dhe 2 të nenit 8 të ligjit 138/2015 dhe pikës 5 të Kreut V të vendimit 17/2016 të Kuvendit të Shqipërisë, është kompetencë e Prokurorisë së Përgjithshme.

Prokuroria e Përgjithshme, ka kryer verifikimin e të dhënave dhe referuar informacionit të ardhur nga Interpol/Romë/Itali, ka konstatuar se funksionari Aqif Rakipi është raportuar për veprën penale, të marrjes së mallrave të vjedhur. Duke qenë se funksionari është përgjigjur me jo pyetjes 3 dhe 4 të formularit të vetëdeklarimit "A keni qenë ndonjëherë në hetim apo në gjykim nga një autoritet i huaj për kryerjen e një veprë penale?" dhe "A keni qenë ndonjëherë i ndaluar apo arrestuar nga organet ligjzbatuese për kryerjen e një veprë penale", rezulton se ai nuk ka deklaruar se ndaj ti ka patur hetim, ndalim, apo gjykim nga autoritetet ligjzbatuese Italiane.

Personi i cili sipas autoriteteve Italiane është raportuar për veprën penale të marrjes së mallrave të vjedhur ka përdorur të dhëna identiteti (SKËNDER EJYLBEGAJ, lindur më 24.03.1962) të cilat nga analiza e gjumëve të gishtave përputhen me të dhënat aktuale të z. Aqif Rakipi.

Nga shqyrtimi i formularit të vetëdeklarimit funksionari në rubrikën 2 të tij nuk ka deklaruar përdorimin e gjenealiteteve të tjera. Sipas rubrikës "B" të formularit funksionari publikë ka patur detyrimin të deklarojë gjeneralitet të mëparëshme të ndryshuara zyrtarisht apo që janë përdurur nga funksionari edhe pa i ndryshuar zyrtarisht.

Kreu III, pika 3, gërma ç parashikon "Formulari i vetëdeklarimit përmban detyrimisht një rubrikë ku pasqyrohet se.... Pasqyrimi i të dhënave të pavërteta të paplota dhe të pasaktanë të passjell përjashtimin e menjëhershëm dhe në cdo kohë nga kandidimi/zgjedhja/emërimi apo nga funksioni publik.

Prokuroria e Përgjithshme pasi ka konstatuar se verifikimi është kryer i plotë dhe i gjithëanshëm dhe vlerëson se funksionari referuar gërmës c, pikës 3, Kreut III të vendimit të Kuvendit nr.17/2016, është në kushtet për ndalimin e ushtrimit të funksionit.

Referuar nenit 10, pika 1, gërma d, kur verifikohen kushtet për moszgjedhje apo moskandidim KQZ shpall pavlefshmërinë e mandatit dhe përfundimin e parakohshëm të mandatit të funksionarit publik.



Gjithashtu referuar nenit 5, pika 3, të ligjit deklarimi i rethanave të rreme ose të shtrembëruara përbën veprë penale, sipas nenit 190 të Kodit Penal.

Në këto kushte funksionari publikë ka paraqitur rrethana apo të dhëna të rreme në formularët e vetëdeklarimit. Formularët e vetëdeklarimit ja kanë drejtuar Komisionit Qendror të Zgjedhjeve.

Konkretisht me veprime aktive, z. Aqif Rakipi, deputet i Kuvendit të Shqipërisë, ka konsumuar elementët e veprës penale të "Falsifikimi ose përdorimi i vulave, i stampave apo i formularëve të falsifikuar ose paraqitja e rethanave të rreme në këto të fundit, që u drejtohen organeve shtetërore, dënohet me burgim nga gjashtë muaj deri në katër vjet", parashikuar nga neni 190 i Kodit Penal.

Dëshira Pasko – Drejtorja Juridike

Ylli Merkaj -- Sekretar i Përgjithshëm i KQZ-së

